

als Oberster Admiral gen Antorff kommen be-
richt ein zunemen/ vnd die so etwas an der Wacht
oder sonst versaumet/ zu straffen. Damit man sich
aber forthin keines solchen Trohs vnd Schadens
hette zubesorgē/ hat er auff dem Werf an der Schelde
ein Schank auffwerffen lassen/ darauß die schiff auch
bey Nacht konten beschirmet werden.

**Erzählung welcher gestalt
Das Schloß Krackaw von dem
Rittermeister Cloet auß befehl S. Excellentie
Graff Morisen eingenommen wor-
den. Den 9. Februarij
Anno 1603.**

Sinnach das Haus oder schloß Krackaw
samt derselben Herzigkeit Ihrer Prinz-
lichen Excellentie von der leb abgestorbenen
Gräfin von Medis/ vnden dero gebieth vnd Graf-
schafft es gelegen/ in ihrem Testament legiert vnd
vermacht worden; haben dieselbe dahin gerrachtet zu
volliger Besizung gemeltes Schloß vnd Herzigkeit
zu gelangen.

Es ist aber jetzgedachtes Schloß Anno 1586. von
dem Herzogen von Parma eingenomen/ vnd Graff
Salentin von Eisenburg der sich etwas Rechtens
anmasset/ eingeramet wordē/ welcher seithero das-
selb allzeit in besiz/ vnd einen Hauptmann den lan-
gen Huben genant/ mit 15. oder 16. Soldatē darauß
gehabt/ dasselbig zu bewahren/ wiewol es ohne das
von Natur sehr starck / weil es in einem Sumpff
gelegen.

Nachdem nū S. Excellenz vernommen daß die
Rt 3 euf